

欽定字惠全書

孚惠全書卷三十八

偏隅賑借十二

乾隆三十八年正月初三日奉

上諭每歲新正豫查各省有因災予賑地方俱降
旨加恩展賑以示體恤昨歲各直省俱年穀順成
秋田普獲豐稔且報收十分者俱多即甘肅省據
奏偏災數處而通計收成亦在七分以上原毋庸
再沛恩膏第念西陲地瘠民貧非沃壤殷饒者可
比雖成災僅屬一隅恐民力究未免拮据特令該
督確查如有應行加恩之處詳悉覆奏茲據奏到
偏災各廳州縣業經照例賑卹窮黎已成登衽席
若於春初酌借籽種口糧更足資接濟惟河東之

皋蘭暨所屬紅水縣承靖遠平涼涇州等五處被災情形較重入春青黃不繼之際不無待澤等語所有皋蘭等五州縣俱著加恩展賑一個月其有應酌借籽種口糧者仍著查明妥辦該督其董率所屬實心經理務使吏胥侵漁中飽俾閭閻均霑實惠以副春和布令優恤邊氓至意該部即遵諭行

御製命加賑甘肅省皋蘭等五州縣詩以誌事

癸巳

九州昨歲普逢年甘肅民貧處上聲極邊亦有七分

秋穫稼祇餘五郡夏災田

上年直省豐收多有數至十分者甘肅通省合

計亦在七分以上惟皋蘭等五州縣夏田被有偏災特命於例賑之外再予加賑一月仍酌借籽種以資春作肯教赤子向隅泣特降黃麻加賑傳弗以歌

豐忘被數惠心勿問永拳拳

七月初五日奉

上諭據榮保等奏稱歸化城之八十三邨蒙古等
田地被水成災在六分以上請計其人口借給粟
米限二年照數交納等語著照榮保等所奏於歸
化城廳倉內動支粟米計口借給被災之上默特
等以資接濟

八月十八日奉

上諭據畢沅奏七月十八日商南縣地方連日大
雨山水驟發將東關一帶並黨家店沿河傍溝村
莊田廬沖淹人口亦間有漂散現委道府大員前
往查勘撫恤等語商南山僻窪下之地猝遇大雨

水發以致一隅被災小民生計維艱深為軫念著
加恩照本年朝邑縣被水之例一體撫卹賞給口
糧並房價等銀俾災民不致失所其邨莊戶口極
貧次貧應如何分別查辦及被災地畝應如何酌
量蠲緩之處並著該護撫飭屬實力確查速行妥
核照例題報以副朕嘉惠窮黎之至意該部即遵
諭行

乾隆三十九年正月初二日奉

上諭上年各直省奏報夏秋二熟並皆豐稔惟江
蘇安徽陝西河南四省間有被澇之處均係一隅
偏災俱經降旨令各督撫分別妥為辦理第恐今
春二三月間民食或有拮据因傳諭各該督撫據

竇查奏昨據何燭查奏被水之浙川內鄉二縣逐一親歷確勘二麥俱已種齊春收有望毋需再為酌借籽種牛具被災之戶先經撫恤得所禦冬有資惟其中九分十分極次貧民當新春青黃不接之時口食未免拮据等語浙川內鄉二屬被水之處雖已補種春麥閭閻生計有望但閭境共享豐登而此等災民相形見絀不無情切向隅自宜特沛恩施以普春澤著加恩將浙川內鄉二縣九分十分極貧極次各加賑一個月該撫其董率所屬悉心妥辦俾窮黎共需竇惠該部即遵諭行

初三日奉

上諭上年江蘇合屬秋收據報豐稔惟安東等處

春夏之間被水致成一隅偏災雖蠲賑兼施誠恐
今春或資接濟因降旨令該督撫查明具奏候朕
酌量加恩施據高晉等奏安東等八州縣衛先被
夏災秋收又復失望查明成災至八九分者情形
均為較重目下按月給賑不虞乏食其被水涸復
之區亦已播種豆麥可冀有收但當新春青黃不
接之時口食未免拮据等語安東等處上年春夏
疊被偏災新春正賑已畢貧民待哺方殷殊堪軫
念著加恩將安東清河桃源三縣淮安大河二衛
山陽阜寧海州三州縣勘實成災八九分者無論
極次貧民一體加賑一個月以資接濟其成災七
分以下同沐陽鹽城二縣雖照例蠲緩賑恤均已

口食有資將來東作屆期或須酌借籽種口糧之處並著該督撫臨期察看妥辦據實奏明以副朕嘉惠窮黎至意該部即遵諭行

初三日奉

上諭上年安徽省之鳳陽泗州所屬十二州縣衛因春夏雨水過多湖河並漲偶被夏災業經該撫奏報當即加恩蠲賑兼施俾無失所恐今春二三月間民食或致拮据特傳諭該撫確查應否加賑據實具奏嗣據裴宗錫覆奏壽宿二州成災皆止五七分以通邑計之亦熟多災少毋庸加賑其鳳陽懷遠靈璧虹縣鳳臺泗州盱眙五河八州縣及鳳陽長淮泗州三衛夏麥秋禾雨被災傷當青黃不

接時民情不無拮据等語著加恩將鳳陽等十一州縣衛勘明八九十分災之極次貧戶同七分災之極貧各加賑一個月其七分災以下並毋庸加賑之壽宿二州並著該督撫察看情形或需酌借牛具籽種以資接濟之處務董率所屬妥協辦理俾災黎普霑實惠該部即遵諭行

初四日奉

上諭昨秋陝省之朝邑商南二縣先後猝被水災即經降旨撫卹其被災加重卹莊並令加賑以期得所第念今春青黃不接之時災民未免拮据特傳諭該撫查明具奏嗣據該撫畢沅奏朝商二邑所屬成災十分者卹堡無多而受傷獨重其涸出

地畝雖已播春麥明歲可望有收而青黃不接時
家計不無艱窘等語該省普獲豐登獨朝邑商南
二處被有偏災自宜再沛恩膏用普春澤著加恩
將朝邑被災較重之河東大慶關等處十一邨堡
暨商南災重之東關韓家山等處十二邨莊無論
極次貧民再行展賑一月俾資接濟其被災較輕
各處並著酌借籽種口糧以示體恤該撫其董率
所屬悉心經理務使節薦均霑實惠用副朕軫念
窮黎至意該部即遵諭行

御製命加賑陝西河南安徽江蘇等四省去歲被

災州縣詩以誌事

甲午

幅員九萬廓封提暘雨安能致適齊惟不怠聲聞

水旱歉自然實告本章題昨年四省災猶報新歲

十行恩可稽陝右朝邑商南潦夏也癸巳秋收各省仍獲豐稔

惟陝西河南安徽江蘇四省間有偏災雖不過一

隅之微然究係歉收民情不免拮据自應持沛恩

施其陝西之朝邑以河溢成災商南以靈潦致河

歉然其中較重者每縣亦不過十一二邨堡耳河

南浙川內鄉沔秋兮何燭奏浙川內鄉二縣秋間被水今二麥雖已種齊而歉

收之區仍不安安徽連十一還賸安徽上年春夏雨能不藉接濟

州等八州縣及鳳陽等江省惟旬衛並溪江蘇之三衛奏禾俱被災較重

惟安東海州淮安等八州縣衛不免待哺其沐陽鹽城止須酌借籽種亦高晉等所查奏也

以水鄉易滂及善頌恩旨免隅啼或蠲或貸畧殊

格視重視輕有異睦四省成災之地除按分數照例蠲緩令仍視其被災輕重

分別極次貧加賑一月或咨爾長民推惻隱敷予

酌借牛具籽糧俾資贍給

恤澤遍黔黎

九月二十日奉

上諭徐績奏據壽光縣稟稱該縣單家莊等一十七莊於八月二十八九及九月初一等日颶風潮漫各莊地內豆麥被淹房屋間有沖坍等語該縣邨莊地處海濱陡遇風潮田廬俱被淹浸著傳諭該撫速飭該地方官查明被災戶口先給一月口糧其沖塌房屋給發修費以資安頓所有應行加恩賑卹之處即照例奏聞辦理該撫其董飭有司實力妥辦毋使窮黎稍有失所該部即遵諭行

乾隆四十年正月初一日奉

上諭直隸天津河間等屬上年偶被偏災業經賞撥通倉米十萬石以備賑濟之需民食無虞缺乏

惟念被災各戶計至昨冬正賑已畢今春青黃不
接二麥尚未登場民間口食未免拮据著加恩將
天津青縣靜海滄州南皮鹽山慶雲獻縣交河東
光武強武邑霸州文安大城寧河等十六州縣無
論極次貧民應於正月起均予加賑兩個月俾資
接濟再景州以西地方有與武邑災地毗連邨莊
河間肅寧與獻縣災地毗連各邨並阜城毗連交
河災地各處經該督覆勘應入六七分災者並著
一體查明給賑以示一視同仁至意該部即遵諭
行

御製命加賑直隸去歲偏災州縣詩以誌事

乙未

去年畿輔率逢秋偏暵東南致歉收豈以一隅心

弗念應教兩月澤加優無論災戶極還次普予賑

糧縣與州

直隸昨歲均屬有秋惟天津青縣靜海
滄州南皮鹽山慶雲獻縣交河東光武

邑武強霸州文安大城寧河等十六州縣偏被早
災收成歉薄業已照例賑恤恐青黃不接之時民

食未免拮据因降旨無論極次貧
民均予加賑兩個月俾資接濟十萬通倉設嫌

少兼施銀米例堪求

發通倉米十萬石為各州縣
賑濟之用並以豫購豫省麥

十二萬石酌給其不敷
者仍准照例銀米兼賑

初一日奉

上諭昨歲江蘇淮安一帶八月間因黃水驟長漫

決外河老壩口以致山陽清河等縣猝被水災業

經降旨賑恤並將乾隆四十年應徵錢糧全行豁

免及乙未年漕糧漕項同節年舊欠錢糧漕米悉

予緩徵災黎自可不致失所第念該處此次被災

情形較重今春正賑已畢貧民待哺猶殷著加恩
將山陽清河鹽城阜寧等四縣坐落山阜等縣之
淮安大河二衛勘實成災十分之貧民無分極次
再加賑兩個月成災八九分者無分極次再加賑
一個月以資接濟其下游之東臺泰州興化等屬
先經被旱勘明成災自五分至七八分不等皆係
一隅偏災與山陽等處情形不同照例賑濟均已
口食有資但轉瞬東作屆期或應酌借籽種口糧
之處並著該督撫察看確情妥協酌辦用普春澤
再安徽之定遠壽州等處上年亦缺雨偏被旱災
除查明零星勘不成災外所有合肥定遠全椒三
縣被旱田地較廣鳳陽壽州宿州泗州盱眙五州

縣雖被旱較輕但均係前歲災較之區恐今春青
黃不接之時民力不無拮据並著加恩將八九分
之極次貧民同七分災極貧各加賑一個月至廬
州鳳陽長淮泗州四衛災軍各隨坐落合肥等州
縣一體加賑以昭一視同仁之至意其毋庸加賑
次貧以下如有應酌借籽種牛具之處並著該督
撫察看情形酌辦俾窮黎均霑實惠該部遵諭速
行

御製命加賑昨歲上下江被災州縣詩以誌愧

乙未

黃河漲昨秋災重淮陰地堵築幸成功安居庶卒

歲蠲賑百計救

上年八月間黃水驟長漫決外河

被災頗重隨降旨賑恤並將今年正供全行蠲免
其漕糧漕項及節年舊欠概予緩徵俾災黎不致

失期遍災黎被絮鉅上下江偏災間聲有逮加賑
等不同山陽等四縣正賑畢後恐貧民待澤尚殷
因諭將成災十分之極次貧加賑兩月八
九分者加賑一月其下游之東臺泰州興化等屬
偏被旱災者或酌借籽種口糧以資耕作又安徽
之合肥定遠全椒三縣被旱較廣鳳陽壽州宿州
泗州盱眙五州縣災雖不重然係前歲歉區並予
加賑一月詳付地方吏靳恩我弗為諱泮汝莫遂
俾得接濟

惟是艱致和則我一人愧

初三日奉

上諭昨歲甘肅夏秋二禾據報通省收成統計八
分有餘尚屬豐稔惟皋蘭武威等七州縣夏禾被
有偏災而皋蘭金縣等五處秋禾復被霜雹均經
先後分別照例賑恤災黎自可不致失所第念該
省土瘠民貧其被災之夏秋二禾收成未免較薄